

## Иртыш голин усиг боодж зогсалгъна өмн

СЕРЕБРЯНК, сентябрин 2. (ТАСС). Бухтарминск ГЭС тосхлгъна гол-ах кӧдлмш тӧгсх—Иртыш голин усиг боох цаг кӱртл цӧн долан хонг ӱлдв. Сентябрь сард гидротосхачнр, ус тӧвлгънӧ боодгар дамджулдж. Сибирин кӱчтӧ голин цуг усиг тӧвцхӧхмн, ус орулдж зогсадг зӱн кӧвӧн хотхрт орх усиг хаадж зогсах банкетмӱд тӧвхд шавр зӧӧдж тӧвцхӧхмн.

Шин тосхлтин коллективс, гол боолгъна сонън сӧн, амрарн болн кимдӧрн онц йилгълтӧ аргъ ухалдж гаргъцхадж. Иджл гол, Обь болн нань чигн голмудар усн деегӱр тагтс тӧвгддг бӧӧсмн. Бухтарминцир болхла, ӱнтӧ тиим тосхлт олзлгън угагъар, банкетс тӧвлгъиг барун кӧвӧн зах ӱзӱрин угас авн эклдж кех болдж шиидцхӧддж.

Тавн-зургъан хонгин эргцд зӱн кӧвӧн ӱзӱрт 100 шаху мингън кубометр урсдго шавр

болн элтӧ монгъл шавр зӧӧдж тӧвх кергтӧ болджана. Эн кергин тӧлӧд кӱчтӧ арвн экскаватормуд болн 100 шаху автосамосвалмуд гаргъгддж.

Гол боодж, ус зогсахас урд ӧмин тӱрӱнд, барун кӧвӧдк хотхриг гидротосхачнр усарчивӧх зӧвтӧ. Энӱнд кегдджӧх тосхлтст немгддж сӱл мингъгӧд кубометр бетонс ода тӧвгдджӧнӧ. Иртыш голин усн хотхрур орлгиг бӧрджӧсн шпунтовой эрс ода хамхлгдджана. Барун кӧвӧдк ӱзӱрт, усна дор бӧӧх газрин кӧдлмшт олзлгдх, эврӧн бийнъ йовдг гурвдгч экскаваторин монтаж келгън шидрӧс тӧгсхмн.

Гидромонтажин участкин коллектив, усна бетонмуд тӧвлгънӧ хойр ӧнъгин монтаж келгъиг тӧгсгӧчкӧд, сӱл ӧнъг кӧдлмшт эклӧд орцхачкв. Ус тӧвдг боодгин дор бетонмуд тӧвлгъиг сентябрин тӱрӱн арвн хонгт кегӧд дуусчкх болдж коллектив шидв.

ТАСС.